

Le yiardza, ha galéja pitita bèthèta

Autor(en): **M.F.**

Objekttyp: **Article**

Zeitschrift: **L'ami du patois : trimestriel romand**

Band (Jahr): **10 (1982)**

Heft 1

PDF erstellt am: **27.04.2024**

Persistenter Link: <https://doi.org/10.5169/seals-240407>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Le yardza, ha galéja pitita bèthèta



E ora mè bravo j'èmi vo j'é rakontâ on bokon la yia ke mènè le yardza. I vo deri kan no j'éthan bouébo de l'ékoula, kan no vayan ouna dè hou galèjè bèthètè, no la paréyivan po avè le pliéji de l'a vère choûta dè brantsè in brantsè, ma i lé remarkâ kan no j'iran don koté dè l'âbro, nouhron yardza i chè katchivè dè l'otra pâ. Di kou no le tsésivan pindin on n'hora dè tin, ihrè preche-ke mô fê dè pâ léchi la pé a ha galéja bèthèta ke no faji rin dè mô. I mè rapâlo kon chartin Grosslique avu chon flobert l'avi thiâ on dè hou galé yardza è pu li yia rougni la kuva po la beta a chon tsâpi po fère le malin; por mè i l'arê fayu li bayi cha dzoa dè préjon po li aprindre a réchpectâ on bokon la nature. E pu vouèro vo krèdè ke pèjè nouhron galé yardza? Otiè min kan mimo tiè on éléphan ou na baleine ke fan 20 tonnes, tigni dè vo bin, i pèjè 250 a 300 gr.

Vo chédè ke a poupri ti lè veladzo dou tchinton i l'an on sobriquet kemin on di: Trivô lè j'ânô; Arkonhi lè mâtou; Prareman lè j'oi (ours); a Châlè lè brâta chabo è a Epindè lè chupia vi. D'apri chin ke lé oyu dre a Epindè lè dzouno l'an fê ouna fitha avu pachetringa, i l'an danthi, fê lè fou è pu i l'an fê ouna kuche dè vi a la broche kemin on di. Chi ke dévechè véyi chu chin lè achebin jela danthi è l'a oubliâ dè veri cha kuche dè vi è pu kan le jou le momin dè vinyi medzi la kuche dè vi irè tota chupiaye d'na pâ è dinche le non dè chupia vi lou j'è chobrâ.

E ora i vo deri ke a Remon lou djion lè yardza. I parai ke chin lou j'è chobrâ du la bataille dè Morat. Kan hou bravo chudâ dè Remon i l'an apèchu lè Chavôyâ è lè Bourguignon avu lou cuirasse i chon jou to inpontâ, i l'an ti grapiyi din lè j'âbro è dinche le non dè yardza lou j'è chobrâ. Ma hora lè chudâ dè Remon i chon ache valyin tiè ti lè j'otro Suisse?

Mè bravo j'èmi patéjan i mè krèyo ke chin ke vinio dè vo rakontâ chu le yardza vo farè pliéji?

M. F. Epindè